

Mitwirkende

- 1 Wirtin Emma Pünter:Gregor Steiner
 - 2 Serviertochter Rösli:David Reichardt
 - 3 Heinrich Pünter, Wirt:Andy Krebs
 - 4 Jakob Huber, Rechtsagent und Ltd Pontonier:Beat Leonhard
 - 5 Jean Boller, Architekt:Urs Reiter
 - 6 Anna-Caspar Grossmann, Hutmacher:Ursina Landolt
 - 7 Carl Nägeli, Kuttler:Robin Leonhard
 - 8 August Fricker, Metzger:Pascal Neuenschwander
 - 9 Caspar Fehr jun., Beck:Sascha Pucillo
 - 10 Eduard Müller jun., Färber:Lukas Briner
 - 11 Viktor Faure, Comis
(Kontorist heute kaufm Angst):Heiri Bruhin
 - 12 Hptm Keller, Militär:Nik Dürst
- 3-4 Jasser: Polizist mit Helm:Hans-Peter Thut
.....Pascal Weber
.....Rolf Dubs
.....Franz Amgwerd
- Vorhang & LichtTechnik Albisgüetli
- Buch.....Urs Höhn & Gregor Steiner

1. Versammlung 12. 6. 1869 Hotel Limmathof

Aussen auf der Leinwand das Bild vom Limmathof

Auf der Bühne zwischen den Bühnenbildern im Restaurant Limmathof:

Anwesend: die Wirtin „Emma“ Pünter hinter dem Tresen
Die Serviertochter „Rösli“ vor dem Tresen
Der Wirt Heinrich Pünter und Jakob Huber am Stammtisch
Die vier Jasser (Misepeter) am Jassen

Vorhang

Die Jasser bestellen nochmals bei Rösli: **Chasch nomal ä Rundi bringe, Rösli?**

Jakob und Heiri stellen die Tische zusammen für die Sitzung und installieren die Mikrophone.

Als erster kommt August herein. Nach und nach finden sich noch fünf junge Leute ein (Jean, Anna-Caspar, Carl, August, Eduard und Viktor), man begrüsst sich lauthals, die ersten bestellen Bier.

Der Jasstisch beschwert sich: **Gaht das ächli liisliger!**

Heinrich stehend: **Jakob hock Du nu grad obe an Tisch**

Man setzt sich (etwas kompliziert) und lässt noch einen kleinen Platz für Caspar (Beck)

Viktor hockend: **Rösli chani en Süessmoscht ha,**

Carl: **und mir es Bier, wüsch gschiider öpis rächts bstelle**

Die Letzen bestellen noch ihre Getränke.

Jakob schägt vor: **Jedä stellt sich vor mit Name, Bruef und vo wo er isch. De Jean fangt aa.**

Rösli bringt für Alle Getränke.

Caspar kommt verspätet rein, schlägt auf seine Hose, welche von Mehl stiebt.

Hoi zäme entschuldigt dVerspötig

Jeder steht auf und stellt sich vor

Jean: **Jean Boller, Architekt am Hirschegrabe** Pause

A-C: **ANNA-Caspar Grossmann, Huetmacher am Rennwäg** Pause

Heinrich: **Heinrich Pünter, Wirt im Limmethof**

Carl zum Nachbarn: **isch huere guet hämmer en Beizer debii.** Bekommt einen bösen Blick von Jakob und stellt sich schnellstens vor:

Carl: **Carl Nägeli, Chuttler im Neumärt** Pause

August: **August Fricker, Metzger in hier**

Carl: **Rösli bringsch mer na es Bier**

Caspar: **Caspar Fehr junior, Beck im Niederdorf** Pause

Eduard: **Eduard Müller junior, Färber im Niederdorf** Pause

Viktor: **Viktor Faure, Comis in hier**

Carl: **Aha, en Säselfurzer**

Jakob: **sooo jetzt!!**

Carl: **warum stimmt's öpe nöd?**

Jakob: **Jakob Huber, Rächtsagent und Pontonier Leutnant**

Carl: **de Bruef hett mer eigentli glanget** Pause

Heinrich: **Jakob, säg emal de Versammlig was mer da eigentlich wänd mache!**
Pause

Jakob: **Da mir in Züri eso viil Unfäll dur vertrinke gha händ und einigi vo eus ja privat mit Weidlig umefahred isch eus in Sinn cho mir chönnted zum Zwäck vo de Rettig en Verein gründe.** Alle nicken und

Eduard ruft im allgemeinen gemurmelt **«Super Idee»** Pause. Jasstisch wird lauter.

Caspar: **ja Du häsch en eigene Weidling, mit was fahred dänn mir? Mis Mehl chunt mit em Charre und nüd uf em Schiff.**

Der Jasstisch wird immer lauter, die Versammlung beschwert sich: **He he sind ä chli ruiger**

Eduard: **mir chönnted ja d Notweidling vo de Schuggerei nä** Pause

Jakob: **söll ich d Stadtpolizei emal aafröge**

Carl: **sicher nöd, mir nämmeds eifach hämmer ja bis jetzt au öpe gmacht.**

Polizist am Jasstisch steht auf: **dänn chömmeders aber mit Eus z tue über**

Carl: **bis Du ruhig und jass wiiter susch verlüürsch scho wieder**

Jakob: **sooo!! mached mer wiiter.** Pause

Heinrich: **Ich wür säge das mer na am Seeclub Mäldig mached das sie nümme die einzige sind ufem Wasser, hetted sicher na Freud. Sie mached de See und mir d'Limmat.** Pause

Viktor ganz scheu: **äää und was choschtet eus das im Jahr?** Pause

Jakob: **ja was meined Ihr?** Gemurmelt und Diskussion

Jean laut: **ich wüür vorschlaa en Franke pro Monet**

Carl: **jä spinnsch dänn Du soviil Chuttle channi gar nöd verchauft**

Jakob: **soo jetzt Carl! ich schlaa vor mir stimmed da drüber ab**

Carl: **Rööfli uf das abe muessi grad na es Bier ha** Pause

August: **heb Di echli zrugge ich bring der morn en Leiterewage voll Innereie**

Carl: **die putzi uf eim Arschbagge** Pause

Jakob lässt abstimmen, Wird angenommen (ohne Carl)

Der Jasstisch mischt sich ein: **lueged dänn nur das er nöd scho im erschte Jahr verlumped**

Die Versammlung kontert vehement

Heinrich: **Spendiertet doch Eui Jasskasse** Pause

Eduard: **jäää und wie säged mer dänn dem „Chind“?** Pause, Pause

Alle sind völlig ratlos

Jakob schlägt vor: **Limmat-Club Zürich**

Alle sind übertrieben begeistert

Carl: **uf das müemer grad aastosse** Pause, Pause: **Anzeige wird auf Leinwand projiziert.**

In Folge der Anzeige im Tagblatt findet sich Pont. Hauptmann Keller, hintere Zäune im Limmathof ein.

Hptm Keller kommt auf die Bühne.

Hpt. Keller: Grüezi mitenand, ich bi de Hauptme Chäller, han Eui Aazeig glässe im Tagblatt und finde das e gueti Sach, es git immer weniger fahrkundigi Pontonier

Carl: **dänn hock dahere chasch au grad mitmache** Pause

Hptm Keller setzt sich aufrecht hin

Wirtin Emma: **Heiri es is scho spaht das isch jetzt die letschi Rundi!** Die meisten bestellen noch ein Getränk und Rösli bringt diese während der Hauptmann spricht:

Hpt. Keller: Au es Problem isch das niemerd cha schwümme. Das wäri nebedem fahre au no wichtig.

Eduard: **jäää ich chan au nüd schwümme, das müesti no lehre. Hetet mir en Badmeister?**

Carl: **dä Badmeister isch immer de wo zerst im Jahr inegheit. Wenn er schwümme ch chan er au unterichte gä** Gelächter

August: **Und wer wird de Chef uf em Wasser, da chasch ja nüd de neh wo inegheit.** Pause

Maurerstadtplan wird auf Leinwand projiziert

Viktor: **Mir chöts ja wie ganz früener uf em Muurerstadplan mache.** Zeigt auf das Bild hinter Ihm. **Mir steched en us. Dä wo dobebliibt isch de Chef uf em Wasser de Oberfahrer. Und es git wieder ä Mal es Stäche!** Pause

Carl: **dä wo nüd cha schwümme wird nüd Chef!**

A-C: Steht auf, schlägt auf den Tisch und ruft: **Chömed Manne jetzt wird's schräg - machet jetzt fürschi!** Betroffenes Schweigen, einige shauen ein bischen beschämt zu Boden

Jean: **ich wüür vorschlaa das de Jakob ufs nächti Mal dAbklärige macht und Eus wieder iilad. Dänn chömer au nomal über dChefe rede.** Alle schauen Jakob an und dieser sagt:

Jakob: **Also guet das machi**

Heinrich: **Chumm Frau «eis hämmer immer no gnaa»** Emma nörgelt rum
Rösli hält bereits die Biere bereit und serviert mit Heinrich

Jakob: **ja die Rundi übernimme grad ich und schlüsse die Versammlig**

Der Jasstisch setzt sich dazu: **so mached echli Platz**

Carl: **jetzt wos gratis isch hocked er da ane und die Alt het wider öpis zWäfele**

Wirtin geht auf Carl zu und droht ihm

Emma: **jetzt isch aber Schluss**

Vorhang

Wenn genügend Applaus – verbeugen vor dem Vorhang